

آبونه شرائطی

ممالك عثمانیه ده سنه لکی (۶۵)،
آلتی آیلنی (۳۵) غروشدور،
ممالك اجنیه ده سنه لکی (۸۰)،
آلتی آیلنی (۴۵) غروشدور.

اراره مانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور. درج ایدله بن
یازیلر اعاده اولونماز.



اخطارات

رساله مزدن آلدینی کوسترک
شرطیه بتون یازیلر هر هانکی بر
غزته طرفندن اقتباس اولونه بیلیر.

مکتوبلرک، امضالری واضح
واوقوناقلی اولمسی و آبونه صره
نومروسی محتوی بولمسی لازمدور.

ممالك اجنیه ایچون آبونه اولانلرک
آدرس لری نیک فرانسزجه ده یازلمسی
رجا اولنور.

یاره کوندردلیدی زمان نهیه دائر
اولدیفنک واضحاً بیلدیرلمسی رجا
اولنور.

دینی، فلسفی، علمی، ادبی هفته لاق مجموعه اسلامیه در.

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

عدد ۳۵۹

۲۱ ذی الحجه ۱۳۳۴

پنجشنبه

۶ تشرین اول ۱۳۳۲

جلد ۱۴

ایچون - آره صیرا موقع اقتداره کچن صاحبای ملوک استئنا ایدینانجه - سنتلری اقامه ، بدعتلری محو ایده جک بررئیس قالمادی . بو صورتله وحدت دینیته نك نسجی پارچه لایوب جامعه اسلامیته نك رابطہ سی دوچار تفرقه اولدی .

مسلمانلری بو کونکی حالدن قورتارارق مجد سابقلرینه اعلا ایتک ایچون مقام خلافتک عظمت و قدسیتی تمامیه محافظه ایتک و مسلمانلری سرأ و جهراً خلافتہ مطیع و منقاد یکپاره برکتله حالنده بولوندرمق لازم در .

شو حالده مسلمانلرک قوت و قدرت صاحبی اولایلملری ایچون مقام خلافتک وظیفه سنی تنصیف ایتک شویله دورسون ، بلکه اونی تقویه لازمدر . حال بوکه دین ایله دولت یکدیگرندن ایرلینی تقدیرده مسلمانلری مقام خلافت اطرافنده طویلايه حق بر واسطه قالمایه جفی کبی ، او مقامک وضع ایتدیکی احکام ایله عمله داعی بر قوه معنویه موجود اوله مایه جغندن مسلمانلر ایچون کرک مادی ، کرک معنوی هیچ برترقیه امکان قالماز .

سابق مکه امیری حسین وهند مطبوعاتی

خليفة مسلمينه قارشى خروج ایدن سابق مکه امیری باغی حسینک بوسفیل حرکتی هندستانده طویولور طویولماز هر طرفده اجتماعلر عقد ایدلدى ؛ هر یرده بو حادثه نی تلغین ایچون نطقلر ، خطبه لرایراد اولندی . بر کره مطبوعات اسلامیة حسینک بویله بر زمانده خليفة مسلمينه قارشى عصیان ایلمسنى جهان اسلامک قلبنه توجیه ایدلش بر خنجر اولق اوزرد تلقی ایتدی ؛ صو کره ، بالعموم هند اتحاد اسلام جمعیتی شعبه لری برلشهرک بو حرکت قاشی طورولماسنى ، طرفدارلرینه اعلان خصومت ایدلمسنى ، شریعت غرای اسلامیة نی تمکندن صارصه حق اولان بو عصیانى تأیید ایدیه بيله جک هر درلو مظاهرندن امتناع ایتمى ایچون حکومته مراجعتده بولونولماسنى تحت قراره آلدی . « اندیازمان » هنرته سی اغستوسک دردنجی کونی چیقان نسخه سنده شوسوزلری سویلور : « هر نه قدر هندستانده کی انگلیز هنرته لریله بعض مجوسى مطبوعاتی حجازده کی قیامی هند مسلمانلرینک منافعی نقطه نظرندن خیرلی برایش صورتنده تلقی ایدیورلر سده بو عصیان هندلیلرجه عمومی بر حسن قبوله مظهر اوله مادی . زیرا کورویورزکه : هند مسلمانلری بوقیامه اصلا طرفدار اولماقدن باشقه ، جمعیتلر عقدايدرك ، اتحاد اسلام شعبه لری برلشدره رک بر آغزندن شریف حسینک یاپدینی ایشلری پک آغیر برلسانله تقییح ایدیورلر ؛ اونک بویله بر زمانده قیامنه شریعتک اضرائی مؤدی اوله حق ، مسلمانلرک علوی امللرینی آلت اوست ایده جک بر خیانت ، بر کفر نظریه باقیورلر . بز افکار

رعایتی دینه تمسکنک درجه قوت وضعنه کوره در . دینه تمسکی قوتی اولدینی زمانلر بوقاعده یه ده ا زیاده ، ضعیف اولدینی زمانلر بالعکس ده ا از رعایت ایتشدور .

حضرت عمرک داماد پیغمبری حضرت علی ایله بریهودی بی یان یانه او طورته رق محاکمه ایتمه سی ، حضرت علی نك ده خلیفه نك کنديسنه تعظیمی مشعر اولان « یا ابا الحسن » طرزنده کی خطابی مساواتی مغل کورمه رة ک انتقاد ایلمسنى ایله الیوم آوروپانک الکمدنی مملکتلرنده ، اوت حریت ، عدالت ، مساوات کله لرینی آغزلرندن دوشورمه یین یرلرنده اجانب ویرلیر حقنده تطبیق ایدیه کلن معامله لری مقایسه ایدنلر مسلمانلرک بدایت تشککلریله آوروپانک منتهای مدنیته آره سنده اولان فرق عظیمی یک نظرده آ کلامقدمه کوجلاک چکمیجه جکلی شهبه سزدر . ذاتا شریعت اسلامیة حد ذاتنده عادل در ؛ وطنداشلری اولان مسلمانلرک اوشریعتک سبای اولدیغنه اعتقاد ایتمه لری مسیحیلره ضرر ویرمک شویله دورسون ، بلکه ده بو اعتقاد اونلرک منفعتده در . مسیحیلره کورمه ده شرایع یننده فرق یوق در ؛ چونکه اونلرک دینلری هر هانکی بر شریعتله حکم اولنورلر سه ، اوکا اتباع ایتلرینی کنديلرینه واجب قیلور .

ثانیاً : « جامعه اسلامیة » بی احیادن مقصدیز اولان ترقیات دینیة و مدنیة شهبه یوق که تهذیب اخلاقه و افرادک برلکده یشاد قلمری کیمسه لره قارشى اوزرلرینه ترتب ایدن حقوق و واجباتی حقیه ادا ایتمه سنه متوقفدر . بو ، هیچ کیمسه نك مخالفت ایتیه جکی برشیدر . شوراسی قطعاً معلوم در که : مسلمانلر ، شریعتلرنده مبین و اصول دینلرندن مأخوذ اولیان هیچ بر واجبه ، هیچ بر حقه معتقد دکلمدر . بناء علیه دین ایله دولت یکدیگرندن ایرلینی کبی دولتک افراد اسلامیة قارشى تکلیف ایله دیکی واجبات حقوقک هپسی مسلمانلرک اعتقادینه کوره واجب الاتباع اولیان بر طاقم احکام قیلندن اولور که بو کبی احکام قارشى رعایت ظاهری بر حرکتدر .

حال بوکه امتک تهذیب تمام اوله بیلیمک ایچون اونی قنالقردن منع ایدن ، اپی شیره سوق ایدن قوتک امتک نفسنده ثابت ، اعتقادنده مستقر اولمسی لازمدر . شو حالده مسیحیلره قارشى اک خیرلی جهت ، مسلمانلرک شریعت و دولتله حکم ایتلری در . چونکه بو ، اونلره قارشى احترام ، سرأ و جهراً اونلرک حقوقی ادا ایتمکی مسلمانلره واجب قیلور . دیگر صورتله هم مسیحیلر متضرر اولور ، هم ده مسلمانلر ترقی دن محروم قالیرلر ؛ بلکه ده کوندن کونه تذنی ایدرلر .

ناصیل که بو ، بالتجربه و بالمشاهده معلومدر .

تاریخ بزه کوستریورکه : امت اسلامیة عارض اولان ضعف و خلل ، وظائف خلافتی اهل و اونی حراست دین و سیاست دنیایی محافظه دن عبارت اولان معنای اصلیسندن حیقارمتله باشلامشدر . وقتا که خلافتک وظائفی اهل اولوندی ؛ خلافت معنای اصلیسندن حیقارلدى ؛ خلفا بر طاقم اسباب طولانیسیله شو ایکی وظیفه نی ادادن عجز وضعف کوستردیلر ؛ او زماندن اعتباراً امرای سیاست کوستر دکلی استبداد ایله ملوک و سلاطین شکلی آله رق حراست دین

عمومیہ بی بومر گذرہ بولایغمز، مسئلہ نیکو مسلمانیارجه اهمیت عظیمہ سنی بیلدیگمز ایچون شوشطرلری یازیورز . یوقسه طوغرودن طوغرویه عالم اسلامه غائم بولنان ویالکز مسلمانلر طرفندن حلی ایجاب ایدن بومسئلهیه مداخله صلاحیتی حائر دکلز . انکلیز منافعی اوبله ایجاب ایدرکه : اما کن مقدسه اسلامیه مسلمانلرک حاکیتی آلتنده قالمق و تبعه اسلامیه کال سهولتله جمع ایده بیلنمک ایچون حکومتمز طرفندن مظاهرتده بولونولسون . ایشته حکومتک وظیفه سی بوندن عبارتدر ، باشقه برشی دکلدز . . .

اندیارمان جریده سنک یوقاریده کی سوزلری شرح و تفسیره محتاج دکلدز . زیرا حائیه معلومییه قارش هندی مسلمانلرینک ال پرلکیله قیامی اوزرینه بوغزیه نیک ده انکلتزه افکار عمومییه سنی اویاندیرمق ایچون حقیقت حالدن ولور برنبذه اولسون بحث ایتمک مجبوریتی کوردیکی ایلك نظرده آ کلاشیلیور .

انکلیزجه انتشار ایدن نیم رسمی « استیتیمان » غزیه سی حجاز عصیاننده مصر حکومتیله برلکده حرکت ایدن هند حکومتک مروج سیاستی اولدی ایچون افکار عمومییه کی بوجریاندن فنا حالده قوشقو- لاندی . هند اتحاد اسلام جمعیتی شعباتیله بوتون دیگر محافل و جمعیات اسلامییه نیک ، فقهانک ، علمانک مسلمان افکار عمومییه سنی تمثیل ایده میه جکنی ادعایه قالیشدی ؛ حادث اولان اجتماعندن چوغنک ساخته اولدیغی ایلری سوردی . شریف حسینی خلافت ، دینه ، دولته قارش خروچندن طولای تقییح ایدنلرک ، قتلہ قوی ویرنلرک علیهنه یورودی . بونک اوزرینه « تائیس اوف اندیا » غزیه سنک ۲۲ اغستوس تاریخی نسخه سنده هند کبارلرندن بری شو طرزده مقابله ایتدی : « شریف مکئنک دولت عثمانیه علیهنه قیامی حقنده کی حوادنک انتشارندن بری خیلی زمان کجدی . بز او آراقی عاصیلرک مدینه بی محاصرمیه آلدقارینی ، یولده تصادف ایتدکلری مانعه لری دویروب یورودکلرینی ، بناء علیه حائیه نیک همانیلر ایچون پک وخیم اولدیغی ایشتمشدک . لکن آرهدن بوقدر مدت کجدی حالده یکی برشی طویمادق . عجباً محرر جنابلری الیوم حجازده دوران ایدن احوالک حقیقتندن بزی خبردار ایدرلرمی ؟ نشریات واقعه کزدن (استیتیمان) غزیه سیله عینی فکرده اولدیگمز آ کلاشیلیور . زیرا اوده جمعیات اسلامییه نیک ، خصوصیه هند اتحاد اسلام جمعیتک هندستانده کی افکار اسلامییه بی تمثیل ایده میه جکنی ادعا ایلشدی . اگر بودعوی حقلی ایسه افکار اسلامییه کی تمثیل ایده جک ؟ یوقسا (استیتیمان) غزیه سی می ! افراد امت طرفندن منتخب و صورت رسمیه ده معتد بولنان بوجعیتلر هند افکار اسلامییه سنی تمثیل ایده من ادعاسنده بولونمق ، غینیه انکلتزه پارلمنتوسی انکلیز ملتته نیابت حققی حائر دکلدز ، دیک کی برشیدر . بن افکار عمومییه نیک نه اولدیغی اوگره نیک ایستهم . بن اومقاله بی یازان محررلرله ایمالندن ایسته دیکم برشی وارسه ، بوکی جمعیات رسمیه بی طایمادقاری حالده عجباً افکار عمومییه نامنه اورتهیه آلدقاری سوزلری آرهدن نه صورتله آلیورلر ، بونی بزموکره تلمرندن عبارتدر . قطعاً

بیانمیلدرکه هند اتحاد اسلام جمعیتله شعبه لری و دیگر جمعیات معتبه مسلمان افکار عمومییه سنک تمامیه تمثیل در ؛ شاید « استیتیمان » غزیه سی بونک عکسنی ادعا ایده جک اولورسه بویوک برجنایت ارتکاب ایتمش اولور . شیمدی برده حکومت عثمانیه نیک اعلان حربی ایتاسنده مسلمانلرک ایلری کلنلری طرفندن سرد اولونان افکار اوزرینه نظر دقتکلری جلب ایتک ایسترم . بونلر ، دنیاده کی مسلمانلرک کافه سنی بررینه ربط ایدن رابطه نیک هانکی قوتله اولورسه اولسون صارصیلیمسی محال اولدیغی ، اوئانده صراحت بیلدیرمه مشلرمیدی ؟ کندیلرینک غیرت دینه خصوصنده اک ایلری کیدن برامت اولدقارینی ، بناء علیه مسائل امور دینیهلرینه ولوخیالی اولسون هیچ برقوتک ، هیچ بر مداخله نیک تحکمی قبول ایتیه جکلرینی سویله مه مشلرمیدی ؟ ای محررلر ! بن کرک سزه ، کرک دیگر بوتون غیر مسلملره صرف اسلامی اولان بوکی مسئله لره قاریشماکلری ، ایلری سورمه جکلر بر طاقیم مضر ملاحظه لرله مسلمانلرک حسیاتی جریحه دار ایتیه مکزی توصیه ایدرم . .

ایشته غیر مسلم برغزیه نیک نشرنده مضطر قالدینی شوقره لر هند افکار اسلامییه سنک شریف حسین طرفندن ایقاع اولونان بوجنایی نه صورتله تلقی ایتدکلرینی آچیقندن آچیغه گوستریور .